



素軒吟藁卷之三

題端溪硯

端溪有石在巖山異品相傳世所慳琢
就堅完磨不磷呵來潤澤拭難乾東坡
謾說真鵠眼西域空聞舊馬肝昨夜秋
霜到行館半池冰凍墨花寒

元宵謾興

漫空瑞雪壓塵囂平判陰陽長與消四
海謳歌夸至治萬家燈火慶元宵催回
物態東風候指向寅方北斗杓才短未

遑酬 上德願祈萬壽過唐堯

又元宵遣興一首

銀河倒影斗迴杓天氣晶熒在此宵仙
鶴沿堦梳雪羽村民按堵掩塵囂頃臨
老齒還圖長日積詩逋尚待消幸際而
今全盛世尋常稽古頌
神堯

春興七言絕句一首附錄於此

坐憇園亭半畝春檻花庭草不沾塵偶
聞墻外呻吟者多是饑寒道路人

贈汪繡衣用贈楊憲副韻

一驅驄馬度桑乾便覺霜風滿道寒玉
粒乍收千廩富羽書已訖言萬家安昔花驛
路秋方早白雪官庭歲未闌寮案協恭承
顧念鴻音時寄客中看

贈楊憲副兵備

聞說

天朝白馬生昔年簪筆侍承明春城日射
彤駟影曉禁風傳玉珮聲霜氣在班鷄
鷺肅劍鋒當仗虎狼驚而今攬轡關山

外盜息民安四海清

贈李提學

栢臺風采重儒林一任蕭蕭雪滿簪
抱道正如藏匱玉傳經絕勝遺籙金
涼風絳帳秋將晚細雨青燈夜向深
惟有歲寒松與竹堅剛可以比君心

贈汪繡衣

同事西藩幸識荆清標殊勝玉壺冰
詳刑獨擅三司貴攬轡深期四海澄
日上朝陽鳴彩鳳霜飛大野翥蒼鷹
自憐留滯還方

夕雲路何時許共升

贈李提學

學如潮海筆如杠獨步詞場衆所降
九府青錢空有萬連城白壁自無雙
又曉登栢府花迎珮夜課文章月滿窓
早晚雲龍相會合並昔施霖雨遍遐邦

喜知

今上登極恭賦一律

天扶

龍輦出藩城雲擁鸞旗入

帝京

宮闕九重添王氣問闕萬國動歡聲華夷
一統傾心順文武羣臣俯地迎從此頌歌
盈里巷共誇堯舜德重明

寄貴州牛總兵

大展龍韜悉寇平鷹揚武德慰蒼生將
軍麾外雲霓望鐵馬頭前篋食迎兵刃
氣吞狼鼠暗爐山月照壠花晴

天庭綸綍褒勲勤千載凌烟閣上名

題新建浴沂亭二首

起得幽亭景復新浴沂於此更無塵琴書
看盡猶嫌少松菊栽多亦稱貧秫酒欲開
期好客朝衣暫脫見閑身成名同日官連
署此處經過有幾人

又

檻臨溪上綠陰深溪岸高低入翠微日落斷
橋人獨立水涵幽樹鳥相依清游始覺心無
累靜處誰知世有機更待夜深同徙倚秋
風斜月釣船歸

奉東湖吳先生

詔許懸車逸老臣，千鈞負荷已離身。都將霖雨蒼生意，散作東風綠野春。勝日娛情遊梓澤，清宵飛夢繞

楓宸。四時迭運成功退，便脫朝衣踵後塵。

題岳陽樓二首

纔入巴陵艤客舟，振衣先上岳陽樓。雲連吳楚天將盡，水合沅湘地欲浮。縱日不拘山島遠，關心猶繫

廟廊。憂回僊遺跡，依然在風月空閑萬古秋。

又

岑樓高聳岳陽城，占斷荆南一段清。掩映朱簾紅日近，崢嶸畫棟白雲橫。盈盈湖水光長接，隱隱君山色遠迎。不見當年三醉客，遺蹤惟在石棋枰。

題儲書樓

曾上層樓識所儲，床頭典籍案頭書。蟾宮路近攀丹桂，芸草香銷辟蠹魚。問字每來鄰士酒，講文時迓故人車。藏脩得此真堪樂，還似當年少室廬。

清泉寺留題

清泉泉畔古招提四面陰森竹樹齊山翠
入簾朝過雨茶烟拖巷午聞鷄老僧延坐
勞清供詞客留詩續舊題話久不知鳴
暮鼓擬分禪榻伴幽棲

贈謝繡衣

珊瑚文采錦袍春烏府臺端一俊人事
主長隨雙鳳輦待賓宏展百花茵天開北極
星辰滿地轉東風雨露頻看取功名垂竹
帛悠悠千載不成塵

贈楊繡衣

殿頭東面百官朝獨羨馬臺譽望饒捧
日丹心常耿耿凌雲才氣獨飄飄世傳奎
壁光芒動人指瀛洲道路遙况是歲寒松
竹操不隨桃李挾春驕

九日子同

大巡上饒汪公總戎古陵吳汝霖桂林致政
侍御龍天民同遊昇仙巖時值風雨強登
高山諸公曰九月雖雨與民有益吾輩假
此之遊幸遇豐年盜息民安始有今日
之樂耳醉翁之意不在酒予強錄蕪辭

一首以紀歲月云耳

共携書劍此徘徊
賓主綢繆酌酒杯
綠鬢風前無幾在
黃花雨後不多開
豐年稻隴青黃徧
落日江山紫翠來
飲罷倏驚天欲暮
歸心却付晚潮回

贈清戎揚繡衣用前韻

憶攀仙桂入

天朝栢府茂容容
歲月饒侍近每聆
仙樂奏退朝猶惹
御香飄光分日月
三天邇思入風雲
萬里遙自是禁中
頗

牧在塞垣茂此絕天驕

贈謝繡衣

新拜

天恩出鳳墀
翩翩驄馬輕
青絲清才簡在
唐虞聖赤子
咸歌父母慈
四野寒山天
釀雪百川黃葉
水流漸明公到
日春應滿萬頃
桑麻雨露滋

辯張東海草書

學博才充志過人
筆鋒殺兔妙通神
畫如雲間青霄上
直若泉拖瀑布濱
點比驪

龍珠戲額撇疑武士劍隨身紛紛沈染翰稱
東海只有元來一箇真

題祁陽石

石板青渠翠色班祁陽時價不知還多年
老客通商稅道地居民賣林示山酒館張筵
添雅興書齋清翫得餘閑屏風大理雖
佳製只恐高低一樣看

寄總巡蕭都憲先生

東西總憲肅霜威器識如公古亦稀裴度
未應關綠野王曾終擬到黃扉清朝百辟

九天雨露留餘澤三徑烟雲入好詩
溫詔十行聯錦字子孫永戴
聖恩慈

和前韻

桐葉經秋落滿墀感時心緒有誰知暮雲
春樹縈懷抱夜雨青燈惱夢思風浪不
搖巖瀨艇江山偏助少陵詩胸中剩得佳
時策好寫封章答

聖慈

中秋未揭曉而作

今歲中秋景不同
水輪皎皎碾晴空
萬民衢路歌新政
諸士文場待至公
犀笋潤沾梧葉露
錦袍香襲桂花風
行看虎榜初開日
賸有英雄步九重

九重

賀主考繡衣 二首

皇明侍御漢文章
不忝持衡翰墨場
手把天瓢分雨露
心懸藻鑑凜冰霜
延賢欲啓公孫閣
得雋寧論陸氏莊
直待鹿鳴開宴罷
春風桃李滿門墻

又

校藝西藩簡豸臺
專門家學出群才
劍涵秋水研初發
鏡展冰輪匣乍開
景運重熙光四表
奎星午夜逼三台
欲彰公道收人望
肯使劉蕡不作魁

元夕作

臘前瑞雪兆休徵
春早河橋未泮冰
萬井笙歌喧社鼓
一天星斗映華燈
紫鱗斫膾銀絲細
綠蟻浮螺絳蠟凝
夜半飲闌鈴鐸靜
遙看皓月轉觚稜

贈提學

蚤年問學重春闈，督學西藩喜得師。
多士總登龍虎榜，先生豈戀

鳳凰池。一方化雨行將遍，列郡淳風到自知。
聖主分明教暫出，論思要地舍君誰。

端午節感懷

西藩已過幾端陽，連歲陰晴事不常。
試驗天時無定準，莫嗟人世有炎涼。
避賢已恨懸車晚，習俗惟知競渡忙。
萬里乾坤無障礙，天留老眼閱滄桑。

寄贈致政何方伯

掉脫藩垣老翠薇，更無清夢到黃扉。
撥開密藻觀魚泳，徙倚長松待鶴歸。
載酒每逢知己醉，看花不管主人非。
身閑到處堪行樂，道院僧房盡可依。

寄贈致政敬所蔣閣老先生六首

難兄難弟兩怡怡，伯氏吹埴仲氏篋。
契合荆花紅滿樹，夢回春草綠生池。
朝霞灼綵侵湘帙，臘雪凝寒上戟枝。
不用別尋三島去，人間此樂有誰知。

又
書院幽清別貯春箇中花木四時新山通
樵徑分開樹水拍漁磯斷隔塵賓退琴書堪
逸老客來觴詠足怡神閑身已久忘官况野
老時容過訪頻

又

綠野渾如隱者居更無長物只琴書張羅一
任門多雀彈鋏欣看食有魚指點教兒知
稼穡肩輿課僕理畱畱人間富貴雖多有
兄弟情親想未如

又

鑿石通流怒激湍鷓鴣飛急過前灘眼中
諸事皆堪樂身外浮榮總不干籬菊正開
金滿把江梅初破玉成團料應昆玉孰幽
賞吟就新詩和者難

又

樂事方來未有涯最便幽靜厭諠譁但如
陶令惟栽菊不似東陵只種瓜吟對晚風
刪舊藁醉留宿火煮新茶偶同知己評門
闕應數江南第一家

和前韻

心無外慕樂無涯
庭院深沉寂不譁
有地但栽陶令菊
無心學種邵平瓜
詩腸正渴偏宜酒
睡思方濃賴有茶
郊靜草喧風日美
策筇時過野人家

題雪贈謝繡衣

樂體一首

片片飛來影半潛
潤田陽脉底須嫌
樽空謾用春衣典
爐冷頻將宿火添
帶雨繽紛輕着砌
傍人零亂巧穿簾
也知豸人多清興
愧我徒將臄腹沾

題雪贈楊瀟衣

樂體一首

風攬長空亂似麻
踈踈密密遍天涯
氣清頻覺詩懷爽
寒破方知酒力加
百畝田疇年可卜
孤舟簑笠趣偏嘉
霜夜窓一片松梢
墮驚鳥起巢林幾點鴉

暮春舟中感懷

春色三分大半非
可堪仕久正懷歸
江籬漠漠豚魚上岸
草青青燕子飛
潘岳多情愁鬢短
馮唐易老壯心違

君親恩重何由報
佇立東風淚滿衣

送清戎楊侍御東行

秋滿西藩郭外江
臺臣明發把麾幢
兼葑水淨將天合
樽俎霞飛與婺雙
橫梁賦詩賓佐盛
抽毫授簡我心降
懸知宣室還僖
問夜半神光照綺窓

詠梅花 二首

千林含凍鬱蒼蒼
只有江梅獨自芳
暗吐幽香穿別院
半欹斜影入寒塘
冰膚宛是姑仙女
粉面端疑騎省郎
若是蜜奴曾拂掠
肯收紅豔貯蜂房

又

天與孤高花獨新
世間草木信非倫
影涵水月不受采
氣壓冰霜何待春
冷淡自能驅俗客
風騷端合付幽人
往來百匝堦除雪
頓使心無一點塵

題紅梅

不隨群艷競年芳
獨自施朱對雪霜
越女謾誇天下白
壽陽還作醉時粧
半依脩竹餘貞態
錯認天桃有暗香
月底瑤臺清夢到
霓裳新換舞衣長

題茶花

樹子團團映碧岑初看喚作木犀林誰將
金粟銀絲鱗簇釘朱江菜梳心春早橫招
桃李妬歲寒不受雪霜侵題詩畢竟輸坡
老葉厚有稜花色深

立春日作

年光荏苒物華新斗柄俄驚馬又指寅
景良辰如過客好風晴日恰逢人梅花吐
艷吟懷壯栢葉傾香酒味醇見說土牛迎
送罷一鞭分與萬家春

贈清戎楊繡衣榮行

巡歷遐荒簡憲臣羨公才調更無倫甘霖
已布黎元惠戎務敷宣

聖主仁千里雲山歸賦詠四方民瘼重咨詢一
時利病皆親覩定有封章見後陳

寄奉同學

司禮鮑公四首

禁苑清華接

建章讀書到此姓名香疎簾細雨仙闈靜弱
柳啼鶯馬御陌長白首大官晨送饌青娥侍

史夜焚香朝回宴坐清如水猶似當年直
玉堂

又

碩德奇才入禁闈坐令四海溢光輝晨趨
便殿含香出午上虞廷衣錦歸議禮共推
韋叔夏評詩翹仰謝玄暉獨憐遠地鄉
袍客遙望台星近太微

又

上國論文早擅場顯揚

武世被

恩光鸞戕清染鴻儒筆玉珮濃薰侍近香
已見君羊公重何遜咸知百辟仰馮唐春
風麗藻知多少莫惜華緘示粵鄉

又

禁垣晴晝擁霞襟獨羨高明才行兼日
下鳳麟羣士慕天中奎壁萬人瞻青宮
曙漏催鳴珮紫殿春花對捲簾珍重商
家一金鼎調羹永賴作梅鹽

八月十日

聖旦節

聖旦乾光絢北樞天心人念果相符風雲叶
慶重開運龍馬呈祥再獻圖萬國有川
歸海納小臣無地致嵩呼但祈億載同今
日永措民生在坦途

邀兩司會飲風洞

經濟雄才冠廟堂仰惟臺省豈尋常群
黎惠澤深無極萬葉殊恩重莫當幸
遠方瞻召傅樂裁臣庶頌

虞唐諸公願慰蒼生望敷布甘霖遍八荒

送童叅將

軍幃未煖又還車民愛公深不自如
遮道攀延俱老稚載歌聲頌亦樵漁
康衢擊壤

天恩重部屋留光日色餘要識粵人懷德處
頻年終歲樂窮廬

題夾竹桃花

未見東風長鳳毛先看點綴綻紅桃
種從王母來時度魂向淇園夢裏
招妙奪虛心
回造化巧將笑臉補嬌嬈香鬢
湏破暖含輕粟
回首秦源道路遥

送滕兵備

遠承

簡命嶺南來，頓覺蠻烟瘴雨開。令肅羣黎沾惠澤，名揚兩廣見奇才。幾多幽谷回枯槁，賸有餘光被草萊。從此遐荒皆按堵，山獠野寇莫疑猜。

送吳總兵二首

喜承天寵下南州，經國還攄手內籌。溟海不波應有自，燧烽無火更何憂。精忠耿耿真堪仰，旌旆飄飄竟莫留。此日江亭成遠別，獨餘遺愛付歌謳。

又

烈烈威風虎豹驚，幾年湖海著蜚聲。陽春始荷來幽谷，

紫詔尋頒出

帝京贊化功勳弥，宇宙攀轅父老滿江城。蕪辭莫罄揄揚意，媿續諸公頌美名。

留題海珠寺二首

梵王樓閣碧波中，雲繞諸天會法宮。寶藏夜明珠出海，花臺烟暖雨隨風。庭松回指思玄奘，隴月迎人識贊公。劫後相看情倍好，

詩成須寄具區東

又

亭臺清映碧波光
寂寂松門掩夕陽
翡翠翠蘭茗依水
渚鷗鷺鷓滿魚梁
香消栢子春雲冷
水滴蓮花夜漏長
人世干戈嗟擾擾
欲泛苦海問慈航

送彭方伯

公未來時人渴仰
公今喬擢衆興思
薇垣自整朝

天旆粵海民
鐫頌德碑甘雨及時蕃草木

蒼生隨處息瘡痍

帝心簡在資良弼
正是

唐虞治化時

送謝繡衣

春風仙珮步瀛洲
山水微茫樂勝遊
名世才華宜宜達
清時人物獨風流
九天日月開黃道
上苑烟花拂御樓

遙想衣冠趨覲罷
又承

恩澤鳳池頭

九日登高

連歲茲辰寓遠方茱萸泛酒菊花黃不
堪宦况蕭蕭處且喜宮袍冉冉香高
嶽景清人不到繁華臺天近夜偏涼一樽於
此供登眺白雪陽春興更長

寄題黃鶴樓

城頭山色晚崔嵬往事驚心首重回仙子
已乘黃鶴去古樓空對白雲開漢江秋水
連天碧楚客征帆逐鳥來莫向滄洲賦鸚
鵡令人重惜禰衡才

操練阻雨

方當閱武柳營前雲起油然雨沛然雖
一時妨武備却於萬姓解憂煎春耕正及
農忙日秋獲堪期大有年分付收兵傳號令
三軍齊唱凱歌旋

贈方上舍二首

幸逢斯世作斯賢儲養賢關會若川李白
桃紅饒化雨青松翠竹接蒼天功名定分隨
遲早憂樂關心有後先夷險丈夫須一節肯
教容易負生前

又

宵旰求賢率土濱先由鄉薦到成均君臣
禮節何嚴肅師弟恩情謾作新三十六班
分化育百千萬士盡明倫明良嘉會斯為
盛中國高風山斗尊

餞謝繡衣

當朝執法舊臺臣剛介咸稱第一人韓范
機權專節制伊周事業屬經綸萬家黎
庶沾新化到處瘡痍感至仁自愧衰微亦
何幸風霜臺裏遇陽春

題九華山

縈泉疊石帶烟霞千載希夷卧九華錦字
書傳青鳥使玉簫聲繞碧桃花雲容蒼古
誰能寫風景清新我欲賒不待扁舟乘興
去珊瑚長拂釣竿斜

贈傅方伯轉遷雲南

天賦經邦濟世才

玉音飛命出金臺東都自惜周公去南國
民歡召伯來勁草迎風隨路偃甘棠含雨
待春開黑頭早報三年政會見文星列上
台

送謝繡衣

按節推公德望尊百年甌粵廣沾恩威
行南嶺風恬海雲布甘霖花滿村萬里
程途懸鐵印一麾迢遞謁

金門崇勲異績應無數欲獻謳謌難盡言

舟中會謝繡衣

獨秉忠誠出

帝閣西甌南粵荷深恩民安物阜雍熙世
女織男耕遠近村嶺海邊陲消毒霧桑
麻禾黍接平原臺端憲節先推重回首

顏識達尊

閑詠

坐叨厚廩飲醇醪不押文書不坐曹檢點園
花為日課裒飲醇醪不押文書不坐曹檢點園
慵卧時喚杯盤佐老饕餐感激大恩何以報
願祈

聖壽詩與天高

題東江驛

南極炎荒欲盡頭湘江二派向東流堯山翠
峯群峯見虞廟軒昂萬古留民困瘡痍

差獨苦路當衝要馬無休願祈歲歲歌曹
金廣布甘霖遍九州

正旦日書

景仰

玉坡天風吹樂下雲和城頭星斗知春
早苑外旌旗拂曙多龍集載看新歲紀

鳳池初暖舊

恩波擬將民瘼陳

明主萬里

金門柰遠何

送傅行人

大行才譽重明時奉命承宣下玉墀粵
地民夷尊禮樂遐方儒彥識威儀名山
勝水尋遺跡白雪陽春繫遠思回首長
安天日近駢駢歸騎莫淹遲

贊吳都憲東湖先生

字獻臣

天地正氣當代偉人學問醇古志氣如神風
裁凜凜賞罰適均不揚憲度不私其身發
賑江南寒谷回春此日民懷蒼梧獻臣優游
林壑福祉駢臻蕪辭詠贊仰之靡親

又詩二律

未盡平生濟世才便從天上拂衣回
宵征惟恐兒孫候晏起毋煩吏卒催
道上甘棠應轉茂籬邊黃菊未全開
不知仕宦心情懶徒使蒼生望再來

又

未到稀齡便乞休錦衣歸作故鄉遊
築渠狡計營三窟獨抱遺經老一丘
車轍每填陳相里笙歌常沸庾家樓
時人莫作尋常看中外曹分

聖王夏

贈總戎王公二首

頻年夷獠寇邊疆總運神謀息擾攘
夜月閭閻無吠犬春風田野盡耕桑
竭忠先世稱承業討賊于今羨復光
最恨星軺回太速斗山思仰未能忘

又

公承

簡命鎮藩方武畧文韜喜弛張
江浙已沾時雨洽天南猶覩泰階光
三農共醉桑田綠

萬鳥閑歸柳岸黃
蒹葭此海陬流澤遠
頌聲隨處播甘棠

贈藍錦衣

天階曉靜日初升
喜見春風萬國騰
丹詔仰承

龍衣近錦衣
夙擅鳳池稱
吟殘風月空山海
景極真涯恣眺登
樽酒暫時留祖帳
闌

梳剛趁泮寒冰

題雲泉雅號

香泉雲氣濕濛濛
淡映前山翠幾重
古

澗飛揚時出岫
清流變化或從龍
哦詩白晝機心靜
對酒芳秋逸興濃
飲罷天風生兩腋
為霖千里慰三農

賀王總鎮壽旦

風度早嚴青瑣闥
承

恩遙下紫微
宮精神久矣同松鶴
壽考還須並華嵩
高寒士揚眉稱素節
貪夫歛手避清風
幸看碑有無窮績
便是勛名上景鍾

贈楊巡按先生三首

簡命西藩僅一年清光隆譽動山川威風徹
地驚狐兔號令車轉雷震海天一節自旆勝
國寄四方誰不仰公賢錦囊多少儒林頌盡
在朝天萬里船

又

驟覩歸旌使我愁一年剛喜解民憂無私
造化成何事有脚陽春去莫留西廣歌聲
新格調百年公論古春秋若教咫尺
大顏是借寇詞章肯浪投

又

萬里晴風掃瘴嵐青天白日送行驂遐荒
保障功方懋列郡黎元澤正覃劔氣匣中
悲此別事機眼底屬誰擔何由再挹公顏
色明月清秋照碧潭

過梅嶺謁張九齡祠偶作

三度梅開感慨中千年古柏變蒼龍
功名只載六經上何事低頭拜下風

素軒吟藁卷之二終

素軒吟藁卷之四

五言律詩

贈相士

若人攻妙術風鑑孰能過方寸懸秋月雙
眸湛碧波江湖為客久貴賤閱人多燕
額鳶肩者于今有幾何

秋日望遠

烟草徧郊墟風光入望餘飛鴻迷絕塞流
水滿長渠天迥黃雲斷林空古木疎應
知漢廷使千里寄邊書

題蠶婦

視箔息艾蠶，餒攜筐。怕葉稀，鬢隨霜。爾老
心逐雨，鳩飛惚外。三更月，燈前五色機。織
成雲錦段，還作別人衣。

中秋夜坐

庭院風初定，涼聲寂不聞。鏡光今夜滿，秋
色此時分。白露下高樹，青天無片雲。坐來
心似洗，何處着塵氛。

寓雷陽時驚聞

李肅太皇太后崩逝哀哭而今

遠聽傳

遺詔哀聲滿

鳳墀

一人猶洒涕，百辟盡含悲。

玉輦巡邊日

椒房拜斗時。竟違天下養，虛負萬年期。

昔在淮安作

客棹倚山陽，川原共渺茫。兩城分野色，萬戶
挹波光。篋啓花羶醜，瓶開豆酒香。百錢沽
一醉，乘月聽滄浪。

清江浦作

元帥有良謀開渠引漕舟海潮侵岸長
湖水入淮流閘泛紅菱雨窓含碧樹秋夜
深帆影盡沙月映閒鷗

榴花盛開

天上携家至榴花滿院開朱光隨物現喜
氣奪春回影護乘涼榻香侵避暑杯殘
英不可掃留取繡蒼苔

久旱復淫雨不止

聖主正臨御如何災異頻亢陽踰兩月淫雨

復連旬共擬堯湯德終回造化仁五行從此
順長保萬方民

題進士瓊林醉歸圖

甲榜傳高第春風入壯顏瓊林霑醉出
紫陌看花還巾服存唐制衣官儀造漢班
莫將經濟策相愧畫圖間

送伍繡衣二首

壯歲登烏府昂哉自不羣印章驅吏佩
諫草避人焚面冷霜飛鐵衣香繡感雲
何時重會晤尊酒細論文

又

氣節摩霄漢文光射斗杓禮闈高擢第
憲府早乘輶曉日聽鳴鳳秋空見落鵬
君才有如此不負

聖明朝

送伍侍御還朝二首

黃甲聲名重烏臺歲月長風霜飛
北闕山嶽動南荒獻納才追黯澄清志似滂
應圖邊檄事歸去奏

明光

又

門第基端重才名柱下雄清霜隨輟手鶻
甘雨逐乘驄諫草多危論詞葩有古風
試尋名宦傳應與昔賢同

贈曹侍御二首

豸繡來西廣昂藏孰與同君羊寬知盡雪
六察欲生風駟馬人皆避豺狼迹自空獨
慚知愛者名玷皂囊中

又

萬里來南國觀風肅憲綱詞鋒橫白筆

家世等青箱忠露丹心日或疑鐵面霜行
看天上去補袞佐

虞唐

五月五日作

午日開家宴平明祝

紫宸風雲昭氣象海嶽會精神粵地昔
三浦美金樽酒色新清時圖共樂四海

聖恩均

重遊海珠寺

昨日須行樂照鑣海寺湄桐花化嘶驪裏

松樹隱招提碎月灘聲在披雲黛色迷
老僧談故蹟隨處可留題

題三州山石

山光浮薄日山石壑靜涵秋胸廓乾坤大
心隨造化游鳥聲鳴有意雲氣去如流
掃石閑箕踞啣杯復倡酬

喜雨二首

一雨動經歲秋殘春又歸到窓時側耳
入坐忽沾衣地渴如貪飲花窮似解圍
賞心何足道先與救年饑

又

望雨心常渴看春意轉遲雨來深入夜
春晚尚逢時不寐人應苦無情物豈知
道逢田父問猶未解雙眉

奉和松坡喜雨

好雨知時節田家勝得金天公回造化
仙子啓誠心齋沐躬祈禱乾坤洞鑿臨
淋漓未三日已足一犁深

風洞倡和

握手論心久相逢意轉親山川不改舊冠
履却從新明月如邀客秋風解送人斯文
情故在友道重雷陳

送梁黃門并屠郭二繡衣

步逸雲霄迥神閒風月開群應空冀址
價特重燕臺岐路多攀柳園林半熟梅
仙槎新漲暖天上坐徘徊

送須詔揚行人

先帝哀書至

皇華使節長

寵行真不數大變自非常舟指羊城近帆飛

秋雨涼懸知歸復

命禁直有餘光

和張子陽韻

晴明山色秀邀客共遨遊
火炮驚搖鐘釜歌動地
亂酒酣人更樂詩就壁
堪留洞府清殊甚何須
覓此訾洲

送朝使俞大人

朝臣初北上奉

中到西藩冠冕留仙宴
江山慰客顏節停南粵
地槎入斗牛間別後金
門侶應懷

玉殿班

贈劉提學

玉署收青簡

金門降紫泥江隨鷁舫
淨山向豸冠低黃綬承
抄案青衿候出題煩將
杏壇雨徧

洒廣東西

送魏上舍還京

客館西垣靜開樽為汝
歌檻花深晚坐城樹喜
頻過綵鷁春湖色驪駒
白玉河還京君信樂予
柰別愁何

送龍繡衣

南國鳳凰士北臺驄馬臣一鳴均望霄漢千
里出風塵折柳此為別看花倍愴神飄
零四海契慚愧十年人

月牙亭上憶

孝宗皇帝

小亭今夜月未滿桂花輪笛裏千般調
尊前萬里身關山上雲霧樓閣下星辰
尚憶

七朝主悲歌獨愴神

和曾欽差韻

同是燕京客君今萬里行雲霄無舊侶春
樹有深情尊酒離筵會官舟古粵城太
平何以報元是漢庭評

題風洞望江亭

風洞非凡境望江亭獨孤風雲上紫極氣
色繞

皇都苑靜芙蓉秀城高彩鳳舒蒼然見吾
楚鄉思滿平蕪

題葵花傾日

五月園亭外花開一丈紅
含香承曙露擢秀倚薰風
衛足能無智傾陽信是忠
期栽玉堂內得與紫薇同

送雲泉

富貴多驕傲何曾有此心
松篁同節操風月比胸襟
海屋添籌筭神仙伴鶴琴
縉紳留翰墨字字直千金

贈江繡衣

繡豸萬人憐巡藩越歲年
清霜飛列郡辛月照窮邊
石嶺青絲騎文湖畫鷁船
覓

風隨處好襟抱獨怡然

又和前韻

英才衆所憐况是壯彊年
獨立風塵表高飛日月邊
陞辭金作斧宮燕玉為船
獨有思親念登樓一悵然

喜雨

二首

春旱夏猶然深愁似去年
俄驚一夜雨盡浥萬家田
稻麥皆應熟迺移便欲旋
他方如此否徐聽路人傳

又

歲侵民困甚惟恐召奸凶萬井一得雨四方皆向春因思杜陵老憂

國顛年豐不見今時病誰知此句工

謁堯廟

突兀高祠在昭然

聖帝名治功傳不朽神鑒儼如生香火千年盛冠梳萬古榮更衣兼沐浴瞻拜不

勝情

題桂林儲書樓

樓中富書史樓外見林巒桂影侵網帙云

香出畫闌乾坤雙眼豁燈火五更殘我欲窮搜覽何須向市干

奉讚堯廟

帝與天同大天存帝亦存桑麻通絕徼簫鼓出深村水至孤亭合山居列岫尊尚餘土階意樵牧踐籬藩

又

帳閉爐烟聚山龍帝者衣真人元有道士鬼忽無威畫剝金猶在碑平字半非鼓鳴村犬吠祭罷數翁歸

贈單司班還京

畫鷁臨江上高秋爽氣新一百壺增祖道一
棹舊通津思繞關河樹香携杜若春過湘
懷賈傳誰薦洛陽人

春日喜晴二首

兀坐書齋內窓涵日色浮乾坤清氣藹
嶺海瘴烟收柳眼窺春意花心結綉毬
吟詩須對景尊酒且相酬

又

東風吹暖氣瀟散入晴天漸變池塘色欲

生楊柳烟蒙茸花向月潦倒客經年鄉思
盈愁望江湖春水連

送余方伯任湖藩

北極星辰動綸音出

紫宸玉程知有限

寵渥喜方新江草青隨舫渚禽鳴向人藩
臣清興足民瘼為時陳

贈滕兵備

寵渥新承

合江山共戴光村村沾雨露處處遁豺狼頌

出人心妙風生口角香當年誰秉筆公論
自堂堂

暮春述懷

日日登堂署公餘坐竹林如何在閑暇不
得散幽襟雀乳重簷靜花飛別院深
南陔春又盡空負采蘭心

閑詠釋悶

公館門長掩蒼苔一徑深白雲松下榻流
水月中琴懶性踈人事閑居長道心
如有真趣蕭散在詞林

重遊伏波巖

巖下多幽景且無塵事喧鍾聲時徹郭
山色曉當門深洞藏泉脉懸崖露樹根
更期來此宿絕頂聽寒猿

述懷

歷事

四朝代窳寡何所為馮唐空自老賈誼不
勝悲粵徼風塵滿家鄉音信稀同袍多
少客雙鬢總成絲

題梅

突出—清枝孤村雪擁籬韻無凡眼識香
有自心知不是神仙骨何緣冰玉姿看看
金鼎實此味幾人思

軒吟藁卷之四終

